

Gigiola Gomez ta Reina Caribense pa Januari 2014

E tienda di Caribbean Queen situa na Palm Beach Plaza Mall ta orguyoso di por introduci su Reina Caribense pa Januari 2014, Gigiola Gomez, kende ta traha acesorionan for di tur tipo di tela y material. E diseñonan ta bin for di su imaginacion, el a splica, y ta wordo acaba cu potlood riba papel. Despues nan ta haya bida den su studio na cas, ora e cumpra of haya e combinacion corecto di tela cu ta pas pa n a n creacion. Diseño di moda tabata u n

pasion pa Gigiola, cariñosamente conoci como Gigi, desde cu e tin 12 aña. Desde e tempo ey el a diseña su mesun shimisnan y trahenan. Su experiencia den e industria di moda a cuminsa cu un carera den modelahe cu a hib'e pa pasarelanan rond di mundo, incluyendo luganan mane Aruba, Europa, Latino America, y Merca entre e luganan cu el a bishita pa traha como un modelo. Eventualmente el a transicion pa 'personal styling' y el a sigui pa crea su mesun marca di moda y coleccionnan cada temporada. Absorbando e aspectonan di benta y produccion den e industria di moda, el a traha pa un boutique internacional pa ocho aña como un director di vitrina, creando hopi editorial di moda pa revis-

ta y publicacionnan, y como consehero di moda el a yuda coordina e paña y estilo personal di hopi cliente. Riba un nota personal, e ta un gran sostenedor di e Mary Joan Breast Cancer Foundation, pa cual anualmente e ta produci trahenan pa sobrevivientenan di cancer di pecho, cu ta haya e oportunidad pa modela nan riba e pasarela roos durante e show di moda anual cu ta recauda fondo. Gigiola su clientenan ta varia di amiganan y conocirnan te cu profesionalnan ehecutivonan y damanan di glamour cu deseonan unico. "Mi ta spera cu bo ta disfruta di mi diseñonan mesun hopi cu ami a disfruta ora di crea nan," el a bisa.

Tambe riba Gigiola su lista di logronan: Na 2012 el a wordo honra pa haci e bisti di Reina Beatrix di Hulanda y Prinses Maxima, kende awo ta Reina Maxima. Tambe el a presenta un coleccion durante Aruba In Style 2012, cual a dun'e e oportunidad pa demostra su trahenan na un publico mas grandi, incluyendo prensa internacional di moda.

E aña aki el a wordo inspira pa e isla su bunita playanan, creando e coleccion di playa cu pa-

tronchi di coral. Parti di e coleccion a wordo regala na Prinses Laurentien di Hulanda ora el a bishita e isla na 2013. Gigiola tambe a wordo nombra como e diseñador exclusivo di trahe di baño pa e Miss Teen Aruba International 2013. Bin y mira su coleccion di acesorio na e tienda di Caribbean Queen, Palm Beach Village Mall, durante e luna di Januari!

